

OBAVIJEST RODITELJIMA/STARATELJIMA

Poštovani roditelji/staratelji,

obavještavamo vas da će se, u skladu sa Instrukcijom o upisu djece u predškolske ustanove u školsku 2024/25. godinu, broj: 11-07-34-33058/24 od 20.6.2024. godine i Izmjenom i dopunom Instrukcije o upisu djece u predškolske ustanove u školsku 2024/25. godinu, br. 11-07-34-33058-3/24 od 23.8.2024. godine, upis djece predškolskog uzrasta u predškolske ustanove sa područja Kantona Sarajevo, **po posljednjem periodičnom upisnom roku u mjesecu februaru školske 2024/25. godine, vršiti u periodu od 14.02.2025. godine do 17.03.2025. godine.**

Upis djece u predškolske ustanove vrši se po sljedećim fazama:

1. Faza registracije i dodavanja dokumentacije: od 14.02.2025. do 20.02.2025. godine (roditelji);
2. Faza izmjene i dopune dokumentacije: od 14.02.2025. do 20.02.2025. godine (za djecu za koju je izvršena registracija u prethodnom periodu, a roditelji žele izvršiti izmjenu ili dopunu dokumentacije - roditelji);
3. Faza verifikacija dokumentacije: od 14.02.2025. do 21.02.2025. godine (Ministarstvo);
4. Faza izbora predškolskih ustanova: od 10,00 sati 24.02.2025. do 10,00 sati 28.02.2025. godine (roditelji);
5. Faza reizbora predškolskih ustanova: od 10,00 sati 26.02.2025. do 10,00 sati 28.02.2025. godine (roditelji);
6. Preliminarna rang lista primljene djece bit će objavljena dana 28.02.2025. godine (Ministarstvo);
7. Faza podnošenja prigovora na Preliminarnu rang listu primljene djece trajat će od 03.03.2025. do 07.03.2025. godine (roditelji);
8. Faza razmatranja podnesenih prigovora trajat će: od 03.03.2025. do 13.03.2025. godine (Ministarstvo);
9. Konačna Rang lista primljene djece bit će objavljena 14.03.2025. godine (Ministarstvo);
10. Upis djece, 17.03.2025. godine (roditelji, predškolske ustanove).

Podrška:

Podsjećamo da je u slučaju bilo kakvih poteškoća sa kojima se roditelji/staratelji susreću koristeći sistem EMIS-predškolsko [¹https://www.predskolsko.emis.edu.ba/#/](https://www.predskolsko.emis.edu.ba/#/) omogućena komunikacija sa timom za podršku sistema EMIS-predškolsko.

¹sistem EMIS-predškolsko¹

Ukoliko roditelji/staratelji djece nisu uspjeli riješiti probleme putem sistema za podršku, mogu potražiti pomoć lično u prostorijama Ministarstva za odgoj i obrazovanje Kantona Sarajevo, ulica Aleja Bosne Srebrene bb, VI sprat, kancelarija C-608 (Zgrada studentskog doma u Nedžarićima), utorkom i četvrtkom od 09:00 do 11:00 sati.

Ovom prilikom upućujemo vas da se dodatno upoznate sa svojim pravima i obavezama putem uputstava koja su dostupna u sistemu EMIS-predškolsko, kao i Instrukciji o upisu djece u predškolske ustanove u školsku 2024/2025. godinu, broj: 11-07-34-33058/24 od 20.06.2024. godine

<https://mo.ks.gov.ba/sites/mo.ks.gov.ba/files/2024-07/Instrukcija%2520o%2520upisu%2520djece%2520u%2520pred%25C5%25A1kolske%2520ustanove%2520u%2520%25C5%25A1kolsku%25202024-2025.pdf>² i Izmjeni i dopuni Instrukcije o upisu djece u predškolske ustanove u školsku 2024/2025. godinu, broj: 11-07-34-33058-3/24 od 23.08.2024. godine https://mo.ks.gov.ba/sites/mo.ks.gov.ba/files/2024-08/Objava%20-%20Izmjena%20i%20dopuna%20Instrukcije%20-%20pred%C5%A1kolsko_0.pdf³

Instrukcija služi kao normativni okvir Ministarstvu za odgoj i obrazovanje Kantona Sarajevo, predškolskim ustanovama i roditeljima/starateljima prilikom upisa i boravka djece u predškolskim ustanovama, kao i u realizaciji programa koji se realiziraju u sistemu predškolskog odgoja i obrazovanja u Kantonu Sarajevo. Osnovna načela prilikom izrade ove Instrukcije su efikasnost, pristupačnost, ekonomičnost i pravednost. Instrukcijom se propisuju prava i obaveze Ministarstva, predškolskih ustanova i roditelja.

Dodavanje dokumentacije:

Napominjemo da je roditelj/staratelj dužan da putem sistema EMIS-predškolsko dostavi sve raspoložive dokumente kojima dokazuje status djeteta/porodice. Svi dokumenti koje roditelji budu dodavali u sistem moraju biti originali ili ovjerene kopije ne starije od šest mjeseci, izuzev Izvoda iz matične knjige rođenih (Rodni list) koji je trajni dokument. Roditelj/staratelj dodaje fotografiju ili skenirani dokument putem korisničkog računa. Roditelj/staratelj je dužan da ispravno izvrši dodavanje dokumenta onako kako je predviđeno Instrukcijom. Roditelji/staratelji djece koja nisu državljani Bosne i Hercegovine, odnosno djece koja nemaju stalno mjesto boravka u Kantonu Sarajevo, dostavljaju dokumentaciju kojima dokazuju privremeni boravak djeteta u Kantonu Sarajevo, poput Rješenja o postavljenju u diplomatsku misiju, ugovor o radu sa privrednim subjektom i slično. Pravo na sufinansiranja imaju isključivo djeca državljani Bosne i Hercegovine sa stalnim mjestom prebivališta u Kantonu Sarajevo.

² i Instrukcija o upisu djece u predškolske ustanove u školsku 2024/2025. godinu, broj: 11-07-34-33058/24 od 20.06.2024. godine

³ Izmjena i dopuna Instrukcije o upisu djece u predškolske ustanove u školsku 2024/2025. godinu, broj: 11-07-34-33058-3/24 od 23.08.2024. godine

Izbor predškolske ustanove roditelj/staratelj vrši na sljedeći način:

- Pristupa sistemu na linku: <https://predskolsko.emis.edu.ba/#/> putem korisničkog računa;
- Bira predškolsku ustanovu koju želi da dijete pohađa, kao izbor 1;
- Roditelj/staratelj ima mogućnost da pored izbora 1, odabere i zamjenske predškolske ustanove kao izbor 2 i izbor 3, a u koje želi da mu dijete bude upisano ukoliko dijete ne bude na rang listi primljene djece u predškolskoj ustanovi u okviru izbora 1., odnosno ne bude primljeno u predškolsku ustanovu definisanu u okviru izbora 2;
- Roditelj/staratelj je saglasan da se dijete upiše u ustanovu izbor 2. ili 3. ukoliko se dijete ne nalazi na rang listi primljene djece za prethodni izbor.

Ukoliko roditelj djeteta koje je upisano u neku od predškolskih ustanova, želi izvršiti promjenu predškolske ustanove ili ispis iz iste, roditelj/staratelj podnosi zahtjev ustanovi za prekid Ugovora, nakon čega EMIS osoba izvršava ispis djeteta iz ustanove, te roditelj/staratelj u narednim upisnim rokovima ima mogućnost odabira predškolskih ustanova za svoje dijete.

U skladu sa unesenim podacima, dostavljenim i verificiranim dokumentima o djetetu prilikom registracije, vrši se obračun bodova i generiše se lista primljene djece po odgojnim grupama predškolskih ustanova.

Obračun bodova se vrši u skladu sa sljedećim kriterijima:

- Općina stanovanja (ukoliko je predškolska ustanova na teritoriji općine na kojoj dijete ima prijavljen boravak) – 5
- Dokaz o zaposlenju majke/staratelja – 5
- Dokaz o zaposlenju oca/staratelja – 5
- Brat/sestra djeteta u odabranom vrtiću (za svako dijete) – 15
- Brat/sestra djeteta upisan u predškolsku ustanovu (ukoliko nema mjesta u vrtiću koji pohađa brat/sestra) – 5
- Dijete bez roditelja/dijete iz hraniteljske porodice – 10
- Dijete samohranog ili razvedenog roditelja – 5
- Dijete pripadnik romske populacije – 10
- Dijete sa teškoćom/a u razvoju – 10
- Dijete demobilisanog borca/RVI-a/Civilne žrtve rata – 1
- Dokaz/ovjerena kućna lista za dijete iz porodice sa 3 malodobne djece – 1
- Dokaz/ovjerena kućna lista za dijete iz porodice sa 4 malodobne djece – 2
- Dokaz/ovjerena kućna lista za dijete iz porodice sa 5 i više malodobne djece -3
- Dokaz da se majka/staratelj nalazi na evidenciji nezaposlenih osoba -1
- Dokaz da se otac/staratelj nalazi na evidenciji nezaposlenih osoba – 1
- Dijete iz porodice u kojoj se jedan ili oba roditelja redovno školuju – 5
- Dijete žrtva nasilja u porodici – 10
- Dijete predloženo od strane Centra za socijalni rad – 20
- Dijete iz porodice u kojoj bliži član porodice ima teško oboljenje ili invalidnost preko 70% (roditelji/staratelji, brat/sestra) – 1
- Dijete koje je bilo korisnik predškolske ustanove u školskoj 2024/25. godini – 2

- Dijete registrirano, učestvovalo u upisu, a nije primljeno u prethodnom upisnom roku (svaki rok po 1 bod) -1 po upisnom roku
- Sva djeca sa prebivalištem na području Općine Trnovo imaju 5 bodova za izbor svih vrtića na području cijelog Kantona Sarajevo – 5
- Dijete kojem brat/sestra apliciraju u istom roku -1

Način podnošenja prigovora:

- Roditelji/staratelji prigovore podnose isključivo putem propisanog obrasca, koji je dostupan u šalter sali/pisarnici Vlade Kantona Sarajevo, Ul. Reisa Džemaludina Čauševića broj 1/prizemlje, kao i na web stranici Ministarstva;
- Prigovor se podnosi lično u šalter sali/pisarnici Vlade Kantona Sarajevo;
- Podnosilac zahtjeva može biti isključivo roditelj/staratelj djeteta koje je učestvovalo u upisnom roku ili lice koje roditelj/staratelj ovlasti.
- Roditelj/staratelj ima pravo na podnošenje prigovora u sljedećim slučajevima:
- Isti broj bodova kao zadnji primljeni za odabranu predškolsku ustanovu;
- Manji broj bodova obračunat za 2 ili 3 odabrane predškolske ustanove i
- Spajanje djece iz iste porodice, primljene u različite predškolske ustanove u jednu predškolsku ustanovu.
- Podnosilac zahtjeva nije obavezan dostavljati nikakvu dodatnu dokumentaciju za prigovor, odnosno prigovor se isključivo dostavlja na propisanom obrascu na kojem podnosilac obrazlaže razloge prigovora;
- Neblagovremeni prigovori, odnosno prigovori dostavljeni nakon predviđenog roka neće biti razmatrani;
- Prigovori koje nisu dostavljeni na propisanom obrascu, neće biti razmatrani;
- Prigovori dostavljeni putem e-maila i prigovori koji je uputilo lice koje nije roditelj/staratelj djeteta, neće biti razmatrani;
- Prigovor iz kojeg se ne može utvrditi identitet podnosioca zahtjeva, oID broj djeteta, i svrha prigovora će se označiti kao nepotpuni prigovori, i neće biti razmatrani;
- Ministarstvo za odgoj i obrazovanje će isključivo razmatrati prigovore dostavljene, na propisanom obrascu, putem šalter sale/pisarnice Vlade Kantona Sarajevo;
- Prilikom razmatranja prigovora, koristiti će se podaci koje su roditelji unijeli u toku registracije korisničkog naloga u sistemu EMIS-predškolsko;
- Ministarstvo je dužno objaviti Konačnu rang lista primljene djece po javnom konkursu, koja će biti objavljena u sistemu EMIS-predškolsko i web stranici Ministarstva u rokovima koji se definišu obavještenjem o konkursnom roku.

Posebno ističemo da će se rezervacije za narednu školsku 2025/26. godinu, vršiti u mjesecu aprilu 2025. godine (djeca koja su upisana u predškolske ustanove u školskoj 2024/25. godini), te da će se Konkurs za upis djece u školsku 2025/26. godinu, realizirati u mjesecu maju 2025. godine (djeca koja nisu upisana ni u jednu predškolsku ustanovu u školskoj 2024/25. godini, a pohađat će predškolski program odgoja i obrazovanja od mjeseca septembra 2025/26. školske godine. Više informacija o ovim procesima biće blagovremeno objavljeno na stranici Ministarstva za odgoj i obrazovanje Kantona Sarajevo.